

疆 楚 魏

定齋詩餘目錄

點絳脣

水調歌頭二

大入

定齋詩餘

仙游 蔡戡 定夫

點絳脣百索

纖手工夫采絲五色交相映同心端正上有雙鴛竝
皓腕輕纏結就相思病憑誰信玉肌寬盡卻繫心兒緊
水調歌頭南徐秋閨宴諸將代老人作

肅霜靡衰草驟雨洗寒空刀弓斗力增勁萬馬驟西風
細看外圍合陣忽變橫斜曲直妙在指麾中號令肅諸
將談笑聽元戎坐中客休笑我已衰翁十年重到今
日此會與誰同差把龍鍾鶴髮來對虎頭燕頤年少總
英雄飛鏃落金盃酣醉吸長虹

前調送趙帥鎮成都

擁節出閩嶠易鎮上岷山東西嶮阻分陝初不在榮觀
痛念兩河未復獨作中流砥柱屹若障狂瀾極目神京
遠百萬虎貔閒趁良時攄豹略勇聲歡風飛雷厲威
令敵國膽生寒漢寢周原如舊一掃邊城烽火談笑定
三關識取投機會莫作等閒看

巨文定公詞目錄

水調歌頭五

滿江紅六

洞仙歌五

沁園春二

千秋歲三

漢宮春二

水龍吟

念奴嬌

撲蝴蝶

祝英臺

江城梅花引

西河

夜合花

垂絲釣

黃河清

山溪

鷓鴣天五

夜行船四

臨江仙

感皇恩

蝶戀花

三

一翦梅

天仙子

朝中措

三

菩薩蠻

三

西江月

二

梅弄影

訴衷情

四

錦帳春

謁金門

四

好事近

二

浣溪沙

二

浪淘沙

定風波

卜算子

柳梢青

點絳脣

醉花陰

愁倚闌

如夢令

二

巨文定公詞

江陰 巨 密 宗卿

水調歌頭登賞心亭懷古

一鴈破空碧秋滿荻花洲淮山淡埽欲顰眉黛喚人愁
落日歸雲天外目斷清江無際浩蕩沒輕鷗有恨寄流
水無淚學羈囚望石城思東府話西州平蕪千里古
來佳處幾回秋歌舞當年何在羅綺一時同盡夢幻兩
悠悠杯到莫停手唯酒可忘憂

又爲趙漕德莊壽

人物冠江左正始有遺音謫仙風味灑然那受一塵侵
倚馬文章天與霏屑談辭雲委宣室爲虛襟小駐外臺

節聊屈濟時心 記長庚曾入夢恰而今橙黃橘綠可
人風物是秋深九日明朝佳節得得天教好景供與醉
時吟從此壽千歲一歲一登臨

又戊戌迓客同程至松江作

小隊擁龍節三度過鱸鄉煙波萬頃縠紋輕皺溼斜陽
何處漁舟唱晚最是蘆花風斷欸乃一聲長矯首望空
闊逸興墮微茫笑塵纓何日許濯滄浪天隨甫里相
尋無處一淒涼會把水光山色收入煙蓑短艇勝世作
清狂舉酒屬公子富貴未渠央

又秋日登浮遠堂作

一葉下林表秋色滿蘅皋江風吹雨初過天宇一何高

蠟屐徑來堂上倚杖翛然長嘯萬里看雲濤逸興浩無
際安得駕靈鼇歎吾生天地裏一秋毫江山如傳古
來閱盡幾英豪回首只今何在舉目依然風景此意屬
吾曹欲去重惆悵松徑冷蕭騷

又鄂渚憶浮遠

彩艦駕飛鷁帆影漾江鄉肥梅天氣一聲橫玉換新陽
驚起沙汀鷗鷺點破暮天寒碧極目楚天長一抹殘霞
外雲斷水茫茫溯清風歌白雪和滄浪枕流亭館昔
年行處半荒涼我欲驂風遊戲收拾煙波佳景一一付
詞章聞說洞天好何處水中央

滿江紅

駐馬江頭聊自放塵勞蹤迹身漸老尊前羞見異鄉風
物雪柳垂金旛勝小釵頭又報春消息記去年持酒覓
新詞人疏隔時序好今猶昔攜賞處空追憶都如夢
纔覺悄然難覓且飲不須論許事從今煞有佳天色但
官閒有酒便嬉游愁無益

又和梁漕次張韻

玉宇無塵斜陽外江樓竚立人正遠騎鯨南去笑言難
挹冰雪生寒煙瘴冷海山著處恩波溼問碧門金闕待
君來何時入猶自有新篇什應念我相思急滿烏絲
揮徧麝煤香浥尊酒相逢佳口口十年一夢長川吸想
上都風月未盟寒迫良集

又和范石湖

十載重游愧好在吳中父老官事裏空然癡絕竟何曾
了賴有平生知己地全勝末路依劉表竟此身還復鴈
門踦寧論早蓬仙語開朕兆郇翰灑增榮耀倚先聲
風動瞭然家曉翹館每煩塵想口賓筵更著紅妝繞算
從前得此慰初心於人少

又余以詞爲石湖壽胡長文見和復用韻謝之

冠蓋吳中羨來往風流二老談笑處清風滿座倡酬不
了琪樹相鮮崑閬裏玉山高竝雲煙表歎口時頓有古
來無功名早膺帝眷符夢兆爲國鎮騰光耀更寧容
秀野醉眠清曉麟組已聯方面重袞衣行接天香繞許

畸人巾履奉英游榮多少

又渚宮懷古卽事用二幹韻

楚甸雲收歌舞地依然江渚嗟往事豪華無限夢回何
許翠被那知思玉度繡袿謾說爲行雨悄不禁俯仰一
淒涼成千古吳蜀會襟喉處據勝勢開天府著詩書
元帥笑談尊俎步障月明翻鼓吹華棖霧溼披窗戶把
勝游都與舊風光湔塵土

又癸亥九日

平楚蒼然煙靄外飛鴻冥滅身老矣登臨感慨幾時當
徹痛飲從教吹帽落悲歌莫擊壺邊缺算人生任運復
何爲傷情切功名事休謾說渠有命誰工拙且隨宜

鬪健強酬佳節九月從今知幾度試看鏡裏頭如雪向
醉中贏取萬緣空眞蟬脫

洞仙歌爲葉夢錫總領壽

一番好景近鶯花時候纔過收燈便晴晝正熊羆占夢
日戲綵稱觴當此際須信人閒未有光華分瑞節粉
署蘭臺誰出如公望郎右氣如虹才吐鳳指掌功名餘
事也千載猶當不朽待闢國清邊取封侯看肘後黃金
印懸如斗

又辛卯嘉禾元夕作

江城梅柳慣得春先處催趁風光上歌舞見九衢車馬
流水如龍喧笑語羅綺香塵載路歡娛多暇日尊俎

風流重見承平舊官府有多少佳麗事墮珥遺簪芳徑
裏瑟瑟珠璣翠羽好惜取韶華醉連宵更莫待收燈酒
闌人去

又元宵詞

□□春□□畫□□處十里紅蓮照歌舞望鼇山天際
寶篆翻空看未了湧出珠宮貝宇錦江橋那畔羅綺
重重曲巷深坊暗香度玉相輝花竝豔明月隨人歸去
也零落珠璣翠羽先如許風光更元宵算卻好圖將鳳
城誇去

又庚申樂淨錦棠盛開作

花中尤物欲賦無佳句深染燕脂淺含露被春寒無賴

不放全開纔半吐翻與留連妙處人閒稱絕色傾國
傾城試問太真似花否最娉婷偏豔冶百媚千嬌誰道
許須要能歌解舞算費盡春工到開時甚卻付連宵等
閒風雨

又詠金林檎

豐肌膩體雅澹仍嬌貴不與羣芳競姝麗向瓊林珠殿
獨占春風仙仗裏曾奉三宮燕喜低回如有恨失意
含羞樂事繁華竟誰記應憐我空老去無句酬伊吟未
就不覺東風又起鎮獨立黃昏怯輕寒這情緒年年共
花憔悴

沁園春景明告行頗動懷歸之念得帥卿詞因次其韻

前關奉送後關以自見云

雨趣輕寒風作秋聲燕歸鴈來動天涯羈思登山臨水
驚心節物極目煙埃客裏逢君纔同一笑何遽言歸如
此哉別離久算不應興盡卻棹船回主人下榻高齋
更點檢笙歌頻宴開便留連不到迎春見柳也須小駐
度臘觀梅花上盈盈閨中脈脈應念胡麻正好栽從教
去正危闌望斷小倚徘徊

又

匏繫彌年江北江南羨君去來笑山橫南浦朝來爽致
文書堆案胸次生埃放曠如君拘縻如我試問人生誰
樂哉真難學是得留且住欲去須回何時竹屋茅齋